



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ

Հ Ր Ա Մ Ա Ն

« 23 » ..մարտի .....2018 թ.

N 67-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ, ԱՐԱՐԱՏԻ, ԱՐՄԱՎԻՐԻ, ԼՈՌԻԻ,  
ԿՈՏԱՅՔԻ, ՎԱՅՈՑ ՁՈՐԻ ԵՎ ՏԱՎՈՒՇԻ ՄԱՐԶԵՐԻՆ «ՌՈՂԻՖԱԿՈՒՄ Ս» ԲՈՒՅՍԵՐԻ  
ՊԱՇՏՊԱՆՈՒԹՅԱՆ ՄԻՋՈՑ ՀԱՏԿԱՑՆԵԼՈՒ ՄԱՍԻՆ

«Անասնաբուժասանիտարիայի և բուսասանիտարիայի ծառայությունների կենտրոն»  
պետական ոչ առևտրային կազմակերպության (այսուհետ՝ կազմակերպություն) կողմից  
2018 թվականի մարտի 16-ի N 30 գրությամբ ներկայացված Հայաստանի  
Հանրապետության տարածքում կատարված մոնիթորինգի արդյունքների հիման վրա  
մկնանման կրծողների դեմ քիմիական պայքարի միջոցառումներ իրականացնելու  
նպատակով.

Հրամայում եմ՝

1. Հաստատել 2018 թվականի գարնանը մկնանման կրծողների դեմ քիմիական  
պայքարի միջոցառումների իրականացման համար Հայաստանի Հանրապետության  
Արագածոտնի, Արարատի, Արմավիրի, Լոռու, Կոտայքի, Վայոց ձորի և Տավուշի  
մարզերին հատկացվող «Ռողիֆակում Ս» բույսերի պաշտպանության միջոցի (այսուհետ՝  
բույսերի պաշտպանության միջոց) բաշխացուցակը՝ համաձայն հավելվածի:

2. Կազմակերպության տնօրեն Ն. Բարսեղյանին՝

1) ապահովել բույսերի պաշտպանության միջոցի տեղափոխումը Հայաստանի  
Հանրապետության Արագածոտնի, Արարատի, Արմավիրի, Լոռու, Կոտայքի, Վայոց ձորի  
և Տավուշի մարզկենտրոններ և անհատույց հանձնումը մարզպետարաններին կամ

վերջիններիս կողմից լիազորված անձանց՝ սույն հրամանի հավելվածով սահմանված չափաքանակներով,

2) յուրաքանչյուր եռամսյակի ավարտից հետո մինչև հաջորդող ամսվա 10-ը Հայաստանի Հանրապետության գյուղատնտեսության նախարարության աշխատակազմի ֆինանսատնտեսագիտական և հաշվապահական հաշվառման վարչություն ներկայացնել հաշվետվություն օգտագործված բույսերի պաշտպանության միջոցի քանակության վերաբերյալ:

3. Հայաստանի Հանրապետության գյուղատնտեսության նախարարության սննդամթերքի անվտանգության պետական ծառայության պետ Ի. Կարապետյանին՝ վերահսկողություն ապահովել Հայաստանի Հանրապետության Արագածոտնի, Արարատի, Արմավիրի, Լոռու, Կոտայքի, Վայոց ձորի և Տավուշի մարզերում մկնանման կրծողների դեմ քիմիական պայքարի միջոցառումների իրականացման նկատմամբ:

4. Սույն հրամանի կատարման նկատմամբ հսկողությունը վերապահել նախարարի տեղակալ Աշ. Հարությունյանին:

ՆԱԽԱՐԱՐ՝

Ի. ԱՌԱՔԵԼՅԱՆ